

आकाशवाणी

खबरां श्रूति खजूरिया कोला,

पैहले खास-खास खबरां:-

1. भारतीय जनता पार्टी दे नेता Samrat Choudhary होर अज्ज बिहार दे नमें मुक्खमंत्री दे तौर पर संगंध लैडन।
2. पार्लिमानी मामले दे मंत्री किरण रिजिजू होरें आखेआ ऐ जे महिला आरक्षण विधेयक खास संसदीय सत्र च पेश कीता जाग।
3. छत्तीसगढ़ दे वेदांता Plant च बॉयलर धमाके च मरने आहले दी गिनतरी 14 होई गेई ऐ
4. अंडमान सागर राए मलेशिया पुजने दी कोशिश च इक किशती दे पलटने करी रोहिंगया शरणार्थिणं ते बांगलादेशी नागरिकें सनें 250 लोकें दे लापता होने दी शँका ऐ।
5. अमरीका नै ईरान कन्नै अगले किश दिनें च गल्लबात परतिए शुरु करने दी सारत दिती। इजरायल ते लेबनान नै सीद्दे गल्लबात कीती।
6. ते IPL क्रिकेट च कल चिन्नेई च खेड्ढे गेदे CSR नै KKR गी 32 रन्ज कन्नै हराया।

<><><><><><>

ते हून खबरा विस्तार कन्नै:-

<><><><><><>

बिहार दे उपमुख्यमंत्री ते भारतीय जनता पार्टी दे नेता सम्राट चौधरी होर अज्ज राज्य दे नमें मुख्यमंत्री दे तौर पर संगंध लैडन। शपथ ग्रहण समारोह अज्ज बड्डलै 11 बजे पटना दे लोकभवन च आयोजित कीता जाहग। ओह राज्य च शीर्ष ओहदा हासिल करने आहले भाजपा दे पैहले नेता होडन। एदे थमां पैहले चौधरी होरें लोकभवन च राज्यपालन सेवा निवृत जनरल सैय्यद अता हसनैन हुंदे कन्नै मलाटी कीती ते सरकार बनने दी अपनी दावेदारी पेश कीती। जनता दल यूनाइटेड दे अध्यक्ष नीतिश कुमार हुंदे आसेआ मुख्यमंत्री दे ओहदे थमां इस्तीफा देने मगरा इसदी घोषणा होई ही। उनें'गी हाल च गै राज्यसभा दा सदस्य बनाया गेआ ऐ।



PM- Karnatka Visit

प्रधानमंत्री नरेन्द्र मोदी होर अज्ज कर्नाटक दे दौरै पर रौहडंन। इस दौरान ओह मांडया जिले दे श्री क्षेत्र आदि चुन चनागिरी च स्थित श्री गुरु भैर-वैक्य मंदर दा उदघाटन करडन ते इस मौके पर इक जनसभा गी बी सम्बोधित करडन। प्रधान मंत्री मोदी होर साबका प्रधानमंत्री H.D. Deva Gouda हुंदे कन्नै सांझे तौर पर सौन्दर्य लहरी ते शिव महिम्मा स्तोत्रम नां दी कताब बी जारी करडन। श्री गुरु भैरवैक्य मंदर श्री आदि चुनचनगिरी महासंस्थान मठ दे 71में पीठा विधपति ते पूजनीय संत श्री श्री श्री डाक्टर बालगंगा धरनाथ महास्वामी होरें गी समर्पित इक स्मारक ऐ।



WB- Election

पच्छिम बंगाल च विधानसभा चुनां प्रचार तेज हुंदा जा'रदा ऐ। भाजपा दे वरिष्ठ नेता अमित शाह होर अज्ज राज्य च केंई जनसभा करडन। ओह दार्जिलिंग शैहर दे लेबोंग मैदान च इक रैली च शामिल होगंन- जेदे मगरा ओह जल पाईगुड़ी जिले दे राजगंज च इक सभा करडन। दपैहरी मगरा अमित शाह अली पुटद्वार दे मिलाकाटमिल रोड मैदान च इक रैली च शामिल होडन। खजाना मंत्री निर्मला सीतारमण ते साबका केन्द्रीय मंत्री स्मृति ईरानी होर बी अज्ज राज्य च केंई कार्यक्रमें च हिस्सा लैडन। तृणमूल कांग्रेस दी ममता बैनर्जी बी केंई चुनावी कार्यक्रमें च शामिल होडन। ओह उत्तर दिनाजपुर ते इस्लामपुर च जनसभा करडन। ओह सिली गुड़ी विधानसभा क्षेत्र ते नागराकाटा विधानसभा क्षेत्र थवां पार्टी दे मेदवारें दे समर्थन च रैलिया करडन।



Rijju -Women Reservation

संसदीय मामले दे मंत्री किरण रिजिजू होरें आखेआ ऐ जे महिला आरक्षण विधेयक खास संसदीय सत्र च पेश कीता जाहग। एह विधेयक हर राज्य- समुदाय ते क्षेत्र दी आसैं-तांगें गी पूरा करदा ऐ। कल नमीं दिल्ली च पत्रकारें कन्नै गल्ल करदे होई संसदीय मामले दे मंत्री होरें आखेआ जे उ'नें सारे राजनीतिक दलें कन्नै राबता कीता ऐ ते इस विधेयक दा सारें गै समर्थन कीता ऐ। इस विधेयक गी 16 थमां 18 अप्रैल तगर चलने आहले खास संसद सत्र च पेश कीता जाहग। रिजिजू होरें आखेआ जे प्रधानमंत्री नरेन्द्र मोदी होरें राष्ट्र हित च इक-जुट होने आस्तै सारे राजनीतिक दलें दा आभार व्यक्त कीता ऐ। उ'नें आखेआ जे महिला आरक्षण राजनीतिक मुद्दा नैई होई सकदा ते इस विधेयक दी प्रक्रिया च चिर नैई कीता जाई सकदा।



Maha Prez -Nagpur

राष्ट्रपति द्रौपदी मुर्मू अज्जै थमां महाराष्ट्र दे दंडु दिनें दौरे पर रौहगंन। ओह अज्ज बड्डलै एम्स नागपुर दे दुए दीक्षांत समारोह च हिस्सा लैडन ते मगरा संजा'लै नागपुर दी प्रतक्ख टैक्सें सरबंधी राश्ट्री अकैडमी च भारती राजस्व सेवा दे सखेतरु अधिकारिं दे 78में बैच दे बिदाई समारोह च शामिल होडन। एम्स आले दीक्षांत समारोह दरान कुल 210 बच्चें गी डिग्रियां ते सुन्ने दे तगमे दिते जाडन- जिसलै के प्रतक्ख टैक्सें सरबंधी राश्ट्री अकैडमी NADT आला समारोह भारती राजस्व सेवा दे 78में बैच दे 130 सखेतरु अफसरें दी 16एं महीनें दी सिखलाई सम्पन्न होने दे सरबंधे च आयोजित कीता जा'रदा ऐ।



UP -New Wages

उत्तर प्रदेश सरकार नै अकुशल- घट्ट हुनरमंद ते हुनरमंद मजदूरें दी मजदूरी च लगभग 3 ज्हार रपे तगर दे बाददे दी घोषणा कीती ऐ। इस बाददे कन्नै गौतम बुद्ध नगर ते गाजियाबाद जिले च लगभग 21 फीसद दा बाददा होआ ऐ। मुखमंत्रि योगी आदित्यनाथ हुंदे हुकमै मूजब कायम उच्च स्तह दी समीति नै नोयडा च हाल च गै मजदूरी बदाने दी मंग गी लेइए होए दे विरोध-प्रदर्शनें मगरा एह फैसला लैता ऐ। संशोधित दरां इस म्हीनें दी पैहली तरीक थमां लागू होई गेइयां न।



Chattisgarh -Explosion

छत्तीसगढ़ दे सिंहतेराई च बॉयलर धमाके दी घटना च मरने आलें दी गिनतरी बधियै 14 होई गई ऐ। एह धमाका कल वेदांता लिमिटेड दे बिजली संयंत्र च बॉयलर ट्यूब फटने करी होआ। पुलसै मुजब बॉयलर थमां टरबाइन गी उच्च दबास आली भाफ दी सप्लाई करने आहली ट्यूब च जोरदार धमाका होआ- जेहदे नै कर्मचारी गंभीर तौर पर जख्मीं होई गे। उ'नें दस्सेआ जे 4 मलाजमें दी मौके पर मौत होई गई ते तकरीबन 30 जनें जख्मी होई गे- जिने'गीं अस्पतालै च भर्ती करोआया गेआ। प्रधानमंत्री नरेन्द्र मोदी होरें इस हादसे पर दुख जताया ऐ। उ'नें प्रधानमंत्री राष्ट्री राहत कोश थमां मरने आलें दे परोआरें गी 2-2 लकख रुपें ते जख्मिएं गी 50-50 जहार रुपे देने दा ऐलान कीता ऐ।



Bangladesh Boat Sinking

अंडमान सागर च मलेशिया पुज्जने दी कोशिश च इक किशती दे पलटने करी रोहिंग्या शरणार्थिएं ते बांगलादेशी नागरिकें सनें 250 लोकें दे लापता होने दी शेंका ऐ। संयुक्त राष्ट्र शरणार्थी उच्चायुक्त ते अंतराष्ट्रीय प्रवासन संगठन दे सांझे ब्यानें मूजब किशती दक्खनी बांगलादेश दे टेक्नाफ थवां रवाना होई ही। खराब मौसम ते बड़ी मती भीड़-भाड़ करी किशती डूबी गई। एह घटना 9 अप्रैल गी होई ही- हालांकि वजह दा अजे तगर साफ पता नैई लगगा ऐ। अजे तगर 9 लोकें गी बचाया गेआ ऐ। बांगलादेश तटरक्षक बल मूजब समुन्द्र च डूबदे होए जहाज गी सुरक्षित थाहर पर लैता गेआ।



US- Iran Talks

अमरीका नै ईरान कन्नै अगले किश दिने च शांति वार्ता गी परतिए शुरु करने दी सारत दिती ऐ। अमरीकी राष्ट्रपति डोनाल्ड ट्रम्प हौरें आखेआ ऐ जे अमरीका ते ईरान बशकार गल्लबात अगले 2 दिनें च पाकिस्तान च परतिए शुरु होई सकदी ऐ। तौंआई इजरायल ते लेबनान नै बी गल्लबात आहली प्रक्रिया शुरु करी दिती ऐ। एदे कन्नै पच्छम एशिया च बनी दी तनोतनी घट्ट करने च जत्न च बाददा होआ ऐ ते तनोतनी गी घट्ट करने दी सारत बी थहोई ऐ। Interview च ट्रम्प हौरें आखेआ जे अगले 2 दिनें च किश होई सकदा ऐ ते अस इस पेठा अगगे बदने आस्तै इच्छुक आं।



Cricket -IPL

IPL च कल रातीं चेन्नेई दे एम.ए चिदम्बरम स्टेडियम च चेन्नेई सुपर किंग्स ने कोलकाता किंग्स राईडर्स गी 32एं रन्जे नै हराई दिता। पैहले बल्लेबाजी करदे होई चेन्नेई सुपर किंग्स नै तय 20 ओवरें च 5 विकटें दे 192 रन्ज बनाए। परते च कोलकाता नाइट राडर्स दी टीम 7एं विकटें पर 160 दे स्कोर धोड़ी गै पुज्जी सकी। तौंआई अज्ज बेंगलुरु दे एम. चिन्नास्वामी स्टेडियम च रॉयल चैलेन्जर्स बेंगलुरु दा मुकाबला लखनऊ सुपर जायंट्स कन्नै होग। एह मैच संजा साइडे 7 बजे थमां खेइठेया जाहग।

